

# Messadi pertucont credit d'impegn sanaziun via Plaun Liung a Glion

Prezau signur president dil parlament  
 Stimadas parlamentarias, stimai parlamentaris

## Situaziun da partenza e finamira

La via da colligaziun Plaun Liung a Glion ei en parallela cun la Via Santeri e survescha alla colligaziun sura dils baghetgs da commerci alla Via Santeri. La via ei actualmein fermada mo per part, sesanfla en in schliet stan da construcziun e posseda in sistem da drenadi nunsufficient. Per quels motivs eis ei previu da construir naven dalla spartgida tier la Via da polacs entochen l'altezia dalla garascha Thöni ina surstructura dalla via sco era in niev drenadi.



Sin l'altezia dil local da pumpiers meina in dutg dalla spunda sura sin la via. Duront ch'ei fa aura schetga meina quei dutg strusch aua. Duront ch'ei plova meina il dutg denton relativamein bia aua che sa buca vegrir tschaffada e sfundra aschia nuncontrolladamein. Cura ch'il terren ei schelaus flessegia l'aua en direcziun dils baghetgs da commerci e sfundra silsuenter vid las preits dadora. Quei ha caschunau il vargau pliras gadas per gronds donns d'aua els baghetgs che sesanflan giusut.

La via vegrin exequida cun in catram dad ina stresa (7 cm) e cun ina stresa da glera da 60 cm. La pen-denzena traversala e per liung vegrin projectada danovamein a moda consequenta per ch'in drenadi che funcziuna sappi vegrin realisaus. Sin la vart da muntogna dalla via vegrin ina cuppa d'aua construida, la quala rimna l'aua dalla surfatscha e meina als novs tumbins d'entrada. Ultra da quei vegrin l'aua dil dutg tschaffada dad in niev stabiliment d'entrada. L'aua da plievgia rimnada vegrin menada el conduct d'aua da sfundrada e da transport che sesanfla dalla vart da muntogna e menada naven entras ina lingia nova directamein el Rein. Alla fin dalla via vegrin ina barriera installada. En quei sectur vegrin era ina nischa per semanar cun autos da persunas construida.

## Cuosts d'investiziun

<b>Sort da lavur</b>	<b>Via CHF</b>	<b>Drenadi CHF</b>	<b>Total CHF</b>
Project e direcziun da construcziun	35'541.00	16'155.00	51'696.00
Impressari	107'700.00	146'690.00	254'390.00
Catram	90'037.00		90'037.00
Nunprevediu	22'722.00	17'155.00	39'877.00
<b>Total (incl. TPV)</b>	<b>256'000.00</b>	<b>180'000.00</b>	<b>436'000.00</b>

Il credit d'impegn necessari per la sanaziun dalla via Plaun Liung a Glion munta a CHF 436'000.00 incl. taglia sin plivaleta. Cunquei ch'ei setracta tier quella sanaziun dad ina sanaziun totala, vegrin ina proce-dura da perimeter menada atras.

## Finanziaziun

- Finanziaziun speciala provediment d'auas piarsas CHF 90'000.00
- Procedura da perimeter (schazegiau) CHF 324'000.00
- Mieds generals CHF 22'000.00

Las investiziuns nettas da CHF 22'000.00 vegrin amortisadas sur 40 onns.

## Execuziun

L'execuziun ei previda igl atun 2021.

## Proposta

Sin fundament dallas explicaziuns precedentas fa la suprastanza communal la suandonta proposta al parlament communal:

- per la sanaziun dalla via Plaun Liung a Glion vegrin in credit brut da CHF 436'000.00 concedius.